

銅鼓書常遺稟

銅鼓書堂遺稿卷十七

宛平 查禮

己丑

四月將赴川北觀察任別寧遠紳士耆民

與民方結一年緣鵲報除書到郡前負職正慚虛教養

銜

恩又欲赴旬宣連巢蕃猥情初浹劇縣徒胥惡未悛爲語

殷勤諸父老離懷別夢日相牽

戎馬縱橫出蜀關

滇南緬甸之役

邊州徭役數般般已傷昨歲田

收歉更急今春民食艱

去秋雨多傷稼今春因

未了事多

何忍去固羞德薄不須扳此都士習洵淳愿惜少親研講

席閒

郡城舊有瀘峯書院余以其名不古改曰蛙山學

舍多殘廢爲新其屋宇延師督課惜爲時未久

無擾民心我亦寧深山幽谷靖邊庭瘴天雲氣連岡白蠻

部巒光繞郡青夜靜挑燈裁志乘郡無志余輯爲邛都小

公餘拈筆補圖經全邛向無圖余案其疆域考擬看俗漸

如中土宦跡翻同水上萍

比日田塍雨澤饒欣看婦子插秧苗邛池水長游珠蚌蛙

嶺陰深覆乳蕉問俗每經山背路勸農曾過海門橋正期

秋遂豐年願無奈行旌更我招

去寧遠至邛州途中雜詩

寂歷清溪縣山行幽興饒郵筒遞土產珍重是黎椒

望望榮經外連空鳥道橫漏天十日雨無處不溪聲

山背可桑麻田家楚語譁金雞關上歇蒙頂試新茶

自川北寄淳兒長寧

今夏因余回避川北改調長寧

南部成新築

淳奉檄築南
部城始畢

西川話舊年

去年正月初
見於成都長寧控

六詔一令亦三遷

淳自南江署巴州及南
部今調長寧凡三遷

輿道山深處苗

疆地最偏殷勤期報政離緒弗相牽

玉臺觀

閬州城之北山青勢崔嵬滕王建隆苑築觀崇玉臺靈境
擬十洲閬闔排雲開闌楯明綵霞階砌滋碧苔下臨嘉陵
水松竹無纖埃蒼然引仙鶴清夜峯頭來年深棟梁舊檻
榭多敲摧孤亭訊遺址霜風生礪隈石壁鐫杜句漫漶爭
吟猜石壁間鐫少陵玉臺觀滕王
亭子諸詩剝蝕多不可讀吹簫人一去古蹟旋荒
萊秋花色婉孌蟲語煙中迴江光映襟袵霞外獨徘徊

問心堂

有序

川北道廨壁殘屋古勢患傾頽余蒞任後先築二堂乃工

未竣而調松茂或勸委之而去顧事必期成余素性也因
俟築就額云問心

官廨非私室居人不計名問心乃有素卽事可無成弗笑
前緣淺須懲去就輕請看柱石固來者勿愁傾

途中守歲

川北去松茂景短歲云除鷺黃一樽酒清波一尺魚烹魚
酌酒兒女喜童僕已醉我何如松毛柏葉燒次第且溫客
館讀我書書中味厚酒味薄坐對古人情有餘轉眼迎春
看春色兼看梅花行徐徐

庚寅

元日綿州道上寄盛果齋寧遠太守

日影江波氣象新昔年昨歲往來頻岷山晴照松州雪綿

谷風回杜宇春驛路驚心天外使梅花折寄故鄉人

果齋亦家

宛平敢辭歲首攜妻子西向蠻荒更問津

自閬攜家之茂州日來行金堂新都道上用少陵

自閬中領妻卻赴蜀山行三首韻

自作閬州別行行已隔年煙光生曉谷風色靄晴川顧我誠迨爾移家輒緬然遙憐村聚好雞犬竹籬邊

土嶺迴旋處迢迢往跡迷林荒鶯失嘯途勸馬頻嘶晚霧空前渡春雲澹別溪行看旅館近溫語慰山妻

分界牌連縣村墟有若無奚奴臨澗戲兒女隔輿呼澤畔遲歸犢田閒駭竄鼯莫嗟厓路僻天府在前途

郫縣

行行橙樹引官程望裏平田到眼明水逼雲迴揚子宅春

隨人入杜鵑城漫羞白髮身仍健較喜紅燈夢易成縣酒

連筒湮古製郭簡醺酒今失其傳市醪味薄亦堪傾

遙見青城山欲遊不果

青城近接岷山南層巘疊嶂浮蒼嵐舊稱福地列第五書道

福地記青城山為第五大洞寶仙九室之天瑤花芝草春長探前為赤城後大

面天國丈人名屢變玉皇經黃帝破山通道封青城山為五岳丈人一名青城都一名赤城山

一名天國山杜光庭青城山記青城乃岷山第一樹叢石

古光怪生晦夜煌煌佛燈現上矗天蒼三十六峯青峯峯

插雲多奇形別開窾窾八大洞符合八節潛通靈小洞周

圍七十二數應候氣見神異天倉諸峯屹然三十有六有八大洞應八節又七十二小

洞應七十二候羣仙翱翔宅九區杜甫登之不敢唾其地

拉見杜光庭記我茲移家官江源林巒傍我搖青痕修途未暇陟崇嶺短

歎長哦鑒山影約待他時雨霽初提壺獨往尋幽境

汝川縣

百家成小縣炊竈結江濬寒水驛前雨桃花關外人村荒
蕃漢雜山峻麥牟新客路東風暖林梢漸吐春

保縣

一綫飛流急城垣近水濱時平邊戍罷地險笳橋分雲冷
冉駝國草荒通鶴軍燒痕猶在野春色淡斜曛

寄閬中陳時若大令

汗漫前遊那易忘託身今在蜀西鄉情違閬苑三春雨夢
結嘉陵百里桑往事沈吟成獨酌殘年握別幾迴腸思君
顏色何時見落月空教滿屋梁

閏月十日曉發文鎮記所見山崖崩圯狀

蠻雲黑似墨，白雨增曉寒。禾稼方蔥茂，月閨夏未殘。我馬行險崖路無五尺寬，雨後山坼裂一落埋驚湍。視之心膽悸，託足豈能安。永懷叱馭意，蜀道毋嗟歎。

九日風雨中偕賈心言學正馬企魯訓導家寅初姪詣茂城東北東嶽祠登高

陰雲低壓茂州城，東嶽祠前九日情。雨細正愁黃葉落，風

高徐度晚鐘聲。何妨工拙同搜句，欲繼餘歡更舉觥。是日酒盡

入城卻笑老僧太癡絕，峨睂不住住松阬。祠內老僧年八十餘云壯歲薙

髮峨睂近

去年重九錦屏巔，前歲登高邛海邊。官秩已增人漸老，詩

情半減境多遷。吐蕃自古稱難制，蜀塞於今敢獨肩。薄暮

歸時秋氣肅，馬蹄一路踏流泉。

冬日成都護國菴過朱穎叔太守

禪關掩市城佛宇頗幽邃樹老含晚煙蒼苔綠延地太守
方借居軒廊饒靜致我來叩僧扉一息塵中騎入坐誦新
詩翻然快把臂墨瀋淋案隅邱壑多奇意是日穎叔談深
見逸情討論心欲醉出處觀古人進退在無愧殿角夕陽
斜空亭交冷翠菴後院有亭顏曰疎鐘夜到窗小院生涼
吹

茂州歲暮

忽又歲云暮雙清心跡分蠻煙寒繞郭雪嶺峭干雲何處
殿前使遙思天外軍時緬甸之役未息年華霜鬢改惆悵是離羣

辛卯

元日登茂州城樓

羣山曉日放春晴，
蔀屋煙青瑞靄生。
郭繞向陽百種樹，
樓堪縱目一登城。
新詩自有良辰約，
蠻地應無好鳥聲。
江外羌夷方息鬪，
緝松二酋互和格鬪已四踰
好將耕鑿樂昇平。

寄大邑楊敬簡大令

昔年屢渡伏波灘，
此日同歌蜀道難。
萬疊雲山一回首，
何時重罄故人歡。
余守太平時於壺關建雲山萬疊樓敬簡係太平永康州人曾過壺關故及之
三月相違悵別離，
春回雪塞雨絲絲。
放衙畢竟徵遺事，
寒玉聲傳大邑瓷。
少陵詩大邑燒瓷輕且堅扣如寒玉錦城傳

茂州燈詞

雪山繞郭白層層，
一半寒消五夜燈。
逐戶喧闐迎鼓樂，
逼天星火射高升。
起火一名高升出茂州者勝

此間亦有棗竿歌何事滇腔蜀地多為譜挂枝兼劈玉挂枝

劈玉打棗竿均歌曲牌名蠻兒翻笑語音譌

歌雲靄靄月光華檀板銀箏一一誇忽感皤婆雙鬢老聲

聲齊唱石榴花皤婆鬢石榴花皆曲中字語

曉出茂州北門歷雙溪口防土地嶺

曉出茂郡城亂山峙屏障沙徑多轉折東指復北向山腳

匯雙流石漱桃花浪緣溪策馬行登陟窮怪狀迢迢嶺路

遙竹青徧山放寒翠吐晴煙渺似春陰釀盤旋到嶺頭孤

雲低可傍回首見九峯雪朗神氣王地僻少人過振衣獨

俯仰嘯聲落虛空興逸心逾曠

宿石泉縣欲尋禹穴不果

縣因山水勝舊以廣柔名石泉縣漢為廣柔奇峯繞四境飛瀑懸

崖鳴叢叢春花發汎汎春流清煙雲逼穹岫二水交孤城
蒼顏連石紐南岸青崢嶸天工穴山腹神禹自此生百里
無居牧夷民畏敬誠夷人營其地百里不敢居牧見華陽國志我欲往尋之崎
嶇阻前行徂橋跨溪上徒步愁欹傾何能憑羽翼一伸懷
古情

曉發桃坪行平武道上

侵人山色曉蒼蒼漸有秧田犁道旁石徑春風吹不斷鳥
啼人靜野花香

雨後自灌縣至龍溪

人家小住水雲邊巒繞溪迴雨後天一騎行來三十里春
山多起焙茶煙

小憩龍溪

已過灌口縣未陟娘子嶺嶺頭雲葉明嶺外雲光靜茆屋
結水湑戶牖塵氛屏家家方焙茶龍溪類龍井我來聞茶
香下馬窮幽景烹茶啜數甌清趣還自領春山花氣重日
午澹林影搖鞭上嶺去頓覺衣衫冷

夏於成都議金川之役

金酋不靖歷年多侵弱頻聞搆怨何遠歷深山探穴虎譬
猶入水斬潛鼉醜難革面空文告險負層碣礙鳥過舊想
韋臯來節度更須嚴武到蓬婆

自成都旋車止汶川

灌口接龍溪江迴嶺折西秋風愁杜宇午候聽天雞已慣
湔氐道常遊橡栗蹊往來時問俗詩就不須題

牢落江源上羈縻羌寨閒三秋雲滿目八月雪封山烽火

方明戍兵戈正擁關一聲悲角響心跡兩無閒

聞葦蓬山軍中捷音

涼秋已八月夜夜雨聲驕曉來寒氣重濕雲橫山腰聞道
塞外嶺雪片積不消水堆一尺厚風吼如怒潮是時軍營
中鼓角旌旗飄士卒守戍苦班馬鳴蕭蕭羽書昨報捷飛
騎度笮橋功成良不易將見霍嫖姚

重陽前二日得錢坤一宮詹書卻寄

黃花未放酒樽虛客裏相思雁影疎天祿故人精識硯

得宋硯甚夥

石渠幾載靜鈔書軍行旁午通邊塞米作高山走

里胥休問從征愁白髮暮年詩賦近何如

曹水持少宰書來問訊近狀兼寄詩文碑版諸作
以詩荅之

高人多古心交誼最篤厚書來路六千風雨值重九纍纍
千百言情味醲於酒佩君愛我意維誦難釋手遙寄詩與
文摘辭若幼婦碑書楷格工藝苑垂不朽珠玉有贈貽愧
報無瓊玖什襲以珍之時展對老友回憶居京華握別歲
在酉相違五載餘相思空白首嗟余少善狀宦跡江源久
離懷傷孤飛遲暮感秋柳

九日汶川城樓登高

西蜀山通越嶠羌憑高遙睇盡蠻疆兩崖霜葉明秋景千
里寒雲捲夕陽徼外烽煙連寨急江閒波浪接天長漫空
縱我登樓眼萸紫花黃憶故鄉

秋日遊汶川胡氏園林

不謂窮鄉裏幽芳結小園徑荒搖冷色窠石帶蒼痕山翠

斜侵屋江聲直到門老農閒歲月構此避塵喧
夕照霜林下遊蹤乘興過葡萄秋架少杞菊晚籬多聚桶
蜂成蜜開籠鳥去囹石牀堪坐臥徙倚且行歌

趙損之中翰隨溫將軍自滇來蜀進勦金蠻初抵
成都先以詩寄次韻走荅

關山風雪慘悲涼故舊天涯一紙將愁地轉當爲樂地戰
場權且作詩場離顏豈止三秋別健翮遙看萬里翔幕府
參軍今日事平蠻畫策藉才良

吟苦何愁白髮催途艱未許壯心摧六師移自滇黔至一
騎方期早晚來衝破陣雲羽檄過遞驚驛路角聲哀從軍
蹤跡憑誰記準待燈前笑口開

王琴德吏部由滇南來川以詩遙寄子月六日偕

損之抵汝川畱榻行館作竟夜談因次原韻以荅
拂廬連壘結氊鄉雪片封山冷夕陽徼外鳥啼邊草白關
前馬踏陣雲黃短兵西向如飛礮上將南來定破羌報道
故人聯騎至盾邊籌筆助疆場

峻谷蠻江作塹壕斑斕山勢接天高裹糧計可爲三覆掃
穴謀須用六韜絕域烽煙征雁避殘年孤月野狐號凱旋
屈指無多日古句先期詠大刀

飄泊萍蓬跡畧同近撈鋒鏑百蠻中錦衣軍駐桃關北畫
省郎馳玉壘東寒夜小畱欣有伴吟壇闊別恨無窮圍鑪
翦燭西窗下詩律當嚴似卽戎

自汝川過笮橋防馬嶺作

逡巡度笮橋如開北門鎖中外自此分囊硯糧竝裹巍峩

見馬嶺江流激嶺左登高俯深湍箕風肆掀簸下馬策杖
行徑側足若跛置身逼煙霄形影忽忘我俯看飛鳥低輕
逐浮雲墮絕頂望無涯亂山青朵朵

徼外聞姊訃

老去弟兄惟有我何堪一姊更云亡津門月落江心冷雪
塞風淒客夢傷馬上征袍頻染淚鳥邊衰鬢自添霜何年
歸向墳前哭還憶天涯險陟岡

草坡

天赦山頭水東流過此坡草痕埋雪冷樹色障峯多舊結
蠻家寨地有加渴瓦寺土司官寨今成驛使窩念念朝走馬何日息干
戈

夜上天赦山

雲深山莫辨樹暗夜光殘聞說前九險驚心去更難堅冰
封路滑積雪逼人寒敢惜輕身過安危共一官

臥龍關

凍雲連陣倚嶙峋滿樹冰花簇水濱倦客偏愁吹畫角寒
衣未得浣征塵當關何用歌三疊入夜須隨月一輪二十
三年成轉盼知從何處證前因乾隆己巳勦金川余由農
旋因凱捷奉命改官粵西官粵十四年告養歸里服闋
於丁亥補官來蜀今則仍遇進勦小金屈指已二十三年
矣

自臥龍關循斑斕水西南行歷巖洞龍巖閒山水
多幽阻奇秀可觀

踏雪行蠻荒天風浩淒冷崎嶇石磴閒所歷富幽景空嵌
著奇樹斜陽漏寒影崖高人跡稀泉喧意逾靜谿徑多紆

金華集卷之二
迴巖岫逞蒼迴無村亦無寨路僻煙光暝不謂徼外山獲
此名勝境放歌感良遊過眼費循省

斑斕山軍營與明守亭相聚一月情味甚浹會余
有調兵三雜谷之役臨岐辱贈次荅

矢石叢中客忘身何有哉輓輸慚我拙韜畧見君才樽酒
臨風別營門向雪開蠻兵待掃境指日更東來

回輿下斑斕山投龍巖宿

雪晴萬山白哀哀猿亂啼明發陽崖嶺暮投龍巖樓天寒
晷景短向夕惑故蹊霞駁映對嶺杉影紛迴溪茆檐臨水
側前軍屯峯西兵氣自振赫戰馬聲長嘶遊子心慨慷豈
惜歸途迷熒熒一燈暗不寐聞霜雞

宿雜谷不寐寄斑斕山軍營諸吟侶

寒夜披裘聽礮聲逡巡戎馬擁關城後先將相同衝壘

謂前

相國阿前將軍阿今西北旌旗各占營衰草向陽荒徼路

亂山積雪故交情邊亭處處餘烽火待灑吟壇雨洗兵

礮夜

橫霄樓起處入夜歲殘時家遠縈鄉夢途艱費客思連營
烽火急仄徑羽書馳誰勸燈前舞從征愧健兒

歲殘書事

戎馬紛紛秋復冬飄風淒雨苦常逢雪深塞外衣如鐵歲
盡軍中印不封過眼雲山依夢想稱心詩句記遊蹤他年
若說從征事白髮生涯在萬峯

梭木除夕

亂山遙聳雪千層眼底茫茫百感增匹馬駝書無遠策一

身倚劒有何能松杉封徑然軍火臺閣名礪照佛燈

土司官寨

所居之礪環以重檐倘得畫工同守歲何妨寫我作詩僧

壬辰

元日立春梭木作

百尺危礪上何知歲序新亂山天外雪元日歷中春雲樹江關迴壺觴將士均蠻歌昏達曉咂酒不辭頻

三月七日晚發桃關投草坡宿見月

倚劒揮鞭又出關放歌行路豈愁艱驚心戰地逢初月得意花時入亂山此日勞師重討罪何人坐鎮失懲姦草閒狐兔偷生暫會見擒渠奏凱還

策馬上天赦山

天赦山高萬木紛年來時過殿前軍人披出塞殘春雪馬

踏寒峯壓陣雲輓運我愁民力乏籌邊誰識客心勤時招

米壯遊垂老情懷減對景何能任酒醺

垂鞭天際獨尋詩迢遞春風吹鬢絲沙際因陳稀草色林梢結凍作花枝每傷去日成何事若論前程孰與期極目浮雲關路遠笑人西逐更東馳

宿向陽坪新館

日落鞭停馬倦嘶風來颯颯滿山蹊石城帶礪兵堪駐板屋成營客共棲沙磧橫屍蠻鬼哭雪坑驚礮野狐啼斑斕高峙青天外賊退礪殘正可梯

過炭局不值陳時若大牧

下馬思畱飲青桐密似松穿林樵徑窄出塢炭煙濃春外雲無際山頭雪尚封局中人不遠前路必相逢

恤蠻篇

春深行徼外山雪白曜天沙磧盡戰地礪砦臨通川礪擊
半凋敗破碎無完輒不惟人絕跡亦且炊少煙老鴉飛上
下野火燒崖巔積屍徧溝壑觸目生慘憐急呼問蠻長淚
落如湧泉泣云小金酋攻圍非一年掠我倉中粟踐我溪
邊田我男婦被殺我牛羊被牽受困將七月守義誓不遷
去臘董天軍門援揅師則徧遠由木坪出作勢如兩甄重
圍得以解民命得以全聞言心悽惻賞恤支官錢無罪故
恤爾有罪寧舍旃

熱耳寨軍營

滿目悲涼地天寒草未萌壞礪行避石空寨度鳴鉦日澹
風逾緊雲濃雨易成番番檢礪子兵集廢春耕

自熱耳寨移營阿喀木了

峨峨熱耳已摧平飛騎紛紛更拔營月白一天眞不夜燈
紅萬帳寂無聲溪流汨汨隨春去山色茫茫向客迎徧歷
蜀西奇險境蠻鄉何日罷刀兵

聞明守亭於山溪得魚以簡

山雲纔起雨纖纖春漲溪流出斷巖聞說得魚清浪裏腹
中曾否獲兵鈴

約王琴德王丹仁趙損之明守亭過行帳小飲

萬馬西來塞草荒連山積雪少春光弓刀隊裏藏身健風
雨聲中感話長羽檄頻催疲轉粟烽煙高起強傳觴相逢
盡說籌邊事嘯詠誰堪靖戰場

首夏守亭招飲行帳對新移山牡丹花

高架枯松倚斷崖，縈成曲磴小欄斜。
戰場早醒繁華夢，絕域偏開富貴花。
豔影淨於初過雨，香光濃似漸蒸霞。
杯殘詩就人同醉，搔首風前咽暮笳。

從軍行

木蘭壩前鳴戍鼓，萬馬西征羣發弩。
礮石轟轟響震雷，山中鳥獸避無所。
健兒撲礮猛於虎，短衣挾槊逞其武。
登高攘臂擒賊蠻，九重錫號巴圖魯。
巴圖魯也，猶云勇士。國語。金蠻據寨如黠鼠，計窮穿穴潛居土。
有死無降固守之，埋頭不出形踣旅。
廬連塹陣雲濃，烽火燒空驚逆虜。
將軍下令督師行，諸將威揚振毛羽。
歷險衝寒士卒勞，仰攻俯掠多謀取。
殺氣騰霄血地污，橫屍徧野洵難數。
沙磧人傳老戰場，此閒白骨畱今古。
舊鬼悲啾新鬼啼，林深夜黑淒風雨相。

逢莫說從軍苦書劒爭看腐儒腐分門持籌寧足伍神來
得句榮袞黼酒酣耳熱還起舞舞罷歌聲達天府誰憐鬢
髮霜縷縷歌意低昂音激楚峯頭月上光吞吐

沃日山閒芍藥盛放

欄藥曾吟昨歲詩紛翻夏仲倍驚奇託根徼外何年種弄
影山閒落照移誰信名花饒野趣可知絕域有芳時故鄉
回首嗟遲暮動我豐臺春尾思

重五日阿喀木丫軍營招吳豫山太守常理齋楊
載騫吳惠叔三大令張曙湖參軍朱式文楊用周
二上舍行帳雅集分韻得五歌

幾見榴花照眼過蜀西光景易蹉跎辛勤白首關河遠荒
渺窮邊風雨多賴有舊遊酬序節豈堪良會涉兵戈迎人

山色征塵外罷酒蒼涼一奏歌

五月五日夜雨達旦雨霽軍營紀事

午日聊聚飲賦詩應良辰賓客盡酣醉別去雨浥巾氊廬
燈又上長劒倚吟身檢點無吏事暫與枕簟親側聞夜來
賊掠我北山垠火鎗聲震耳戈矛走跋跋營中兵氣寂天
黑不見人心驚少思睡繁雨喧蹄輪曉起出悵望濕霧霾
荒榛風吹須臾散巖岫仍嶙峋頽然一碣破云是賊所淪
士卒被殘戮諸將徒怒嗔

曉霽軍帳獨坐

昨夜氊廬雨淨埃蠻花曉看趁晴開浮雲已自山頭去得
句翻從意外來蘭壩懸軍人磊落草坡歸路夢徘徊涼生
五月披裘坐礮石聲喧塞上臺

軍中送式文抱病回成都

客裏驚心白髮催
書生愁聽角聲哀
詩嗟風雨蠻鄉別
人過斑斕病眼開
雲壓敵營騰黑氣
塞連芳草踏青回
帳邊羌笛離情起
驛路迢迢歸去來

夏寒

陰霾殊瘴癘
寒氣接雲浮
谷窳晴光少
山深宿雪稠
三春不見草
五月尚披裘
節候殊中土
何堪人久留

述懷三首

薊北有儒生
讀書永歌寤
力田與孝友
硜硜守吾素
服官三十年
政事愧敷布
教養民所懷
治行勉前步
入蜀已五年
籌邊爲急務
小醜西跳梁
箝橋大兵渡
奉檄司儲胥
饋餉恐貽誤
近荷將軍知
遠蒙

聖主顧

今年夏六月分兵會頭溝縱橫戎馬至千里如雲浮量沙
事奚濟入夜空唱籌投書急救弊偏執不我由萬軍懸釜
待糧斷聲啁啾徒手任咄嗟獲咎良有由交章奏

天子削職爲衆羞

君恩不加戮輓運仍

命畱感激淚零雨努力攻金會昔爲冠蓋侶今偕老兵遊
鳥倦返舊林人勞思故里沙場感久住夜半悲歌起男兒
志四方豈苦干戈裏年雖迫桑榆壯懷未云已垂老報
君恩筋力猶可恃古人矢忠信捐軀雄顧指褒功何足邀
罹罪實足恥鉤曲非所能弦直未全死

哭杭大宗編修

歎息西湖老蒼顏十載違著書隱几臥理釣倚帆歸紅樹
秋雲冷荒山夕雨飛死生今異地相見夢依稀

贈祥仲調水部

崑山韞美玉蒼海含明珠從來經世才鍾秀在大都吾鄉
有國士春秋二十餘光儀挹霽月風抱同芙蓉折節讀書
史盛名傳天衢青年掇高第姓氏廊廟呼授職水部郎粉
署垂聲譽昨奉九重命馳蜀司糧儲相逢恨識晚談笑
無所拘氣節敦道義抗懷長若虛佩刀遊塞上慷慨居拂
廬臭味投膠漆交誼重璠璣我方解腰組憔悴形容枯把
臂感溫藉吁嗟代踟躕紛紛冠蓋者共歎筮與車情深還
對酒嘯傲欣相於

自博和壩至砍竹溝

霜風颯颯雪嶺華振衣佩劒趨天涯山山落葉飛已盡樹
梢白子如梅花塞鴉紅觜復紅腳成羣連陣啼啞啞灘頭
汨汨急流響荒灣敗葦煙橫沙高峯結寨乏鄰戶時聞鼉
鼓喧蠻家蕃經插竿若林立危礪孤聳參雲霞三年徧走
西陲路直孤險峻過木丫土性瘠薄少物產陸少鹿麕川
無鰕幾番出入歷艱苦蒼涼滿目空嗟呀浮名誤人竟乃
爾生還異域今猶賒形枯力倦氣尚健此閒覓句真堪誇
行行我又陟岡去前軍屯處吹悲笳

入砍竹溝歷煙篷寨草木多諸站止狎馬山

深溝冷雲合肅肅危礪長漸入人跡少萬象增蒼涼盤紆
徑敲仄填徑生蒼簣披之左且右亂石險非常蔽天灌木
蔭稀見曦日光小株閒大株幾無路可行流水澌澌底陰

氛散坡岡枯草埋凍雪叢荆黏嚴霜死竹梢已禿森矗宛
戟槍朽株臥橫途質巨如垣牆溪惡不可渡獨木爲橋梁
結屋覆樹皮聊避風雨狂曳杖艱履蹈銜寒十指僵足蹇
喘息急力乏兩目張負米多茂民紛紛雜蠻娘婦女混投
營軍中氣不揚給資驅之去欲去翻自傷溫語解其惑强
勉回故鄉余方立山頂列嶂危斜陽終歲烽火赤千里征
塵黃

箝馬山營

紆迴箝馬嶺峻險似環城地絕豺狼跡天驕鸛爵聲山空
堆古雪徑阻闢新程輓運洵艱苦何時議息兵

銅鼓書堂遺藁卷十七

男淳孫

樞林校刊

銅鼓書堂遺藁卷十八

宛平 查禮 恂叔

癸巳

元日布朗郭宗作

晴雲靄靄擁青霄塞極西南遠斗杓帳繞降蠻增故壘日
高啼鳥入空碣老慚春色霜餘鬢久傷沙場詩滿瓢移駐
官軍已隔歲勢如破竹在今朝溫將軍率大兵於歲前小
除日自此移駐控卡進攻

川金

大渡河邊見桃花

曉風吹雨濕雲巖大渡河邊不挂帆河無舟楫往來
今以皮船爲渡行部
客從花外去更無蝴蝶撲征衫

過登春見山牡丹盛開

山閒又見牡丹開塞上風光兩度來驛路轉新驅馬過戰場依舊看花回時因入夏方逢雨地號登春合有臺猶憶

昨年吟賞處小欄干結水雲隈

去年夏在阿喀木雅同人招看牡丹

向陽坪夜雨不寐

四山環屋雨涔涔濕氣侵人雲氣深烽火頻燒空戰地兵戈屢警廢清吟魂驚不作還家夢境苦常生遯世心秋夜無眠燈影靜溪聲汨汨下長林

居向陽坪自釋詩

斑斕山險峻周覽相低昂終歲多雨雪泉壑鬱蒼涼上下百里內少見羲娥光延坡茁毒草蟠根生大黃藥氣蒸爲瘴喘息嘻噓長行旅過者病居者能無傷而我此棲止踽踽踣其殃人生各有命處危每獲祥秉正力持護執節惟

自彊

西路軍營失警後祥仲調水部以詩見慰次韻荅之

沈思往事誤千端客到無憀語倍酸長劒光寒斫地易孤
桐晉古和歌難旌旗失隊關雲亂烽火燒空木葉殘任是
亾羊今未晚共期努力莫忘餐

秋日登臥龍關樓寄懷程魚門銓部

與髯作別六經年幾度相思玉壘邊極目錦城雲外棧驚
心丹徼雪中天時八月徼外雪已封山風流舊社憑君占烽火餘生

獨我延煙樹千重山萬疊京華何日醉樽前

登臨無那數離程老去無才學請纓沙草磧荒悲逝侶謂損

之戶部鑑南大牧時皆被難

寒葭潭冷憶吟聲君舊寓寒葭潭蕭蕭短髮逢場

戲漠漠浮雲逐處生腸斷邊庭頻灑淚天涯長望倚關城

九日登臥龍關樓

乘興登樓一振衣望中無雁趁霜飛夕陽紅樹關山遠秋
意黃花信息稀戎馬年來遊漸倦漁樵老去願初違蕭蕭
白髮風吹帽回首前蹤客夢非

甲午

正月
十月至

元日維州

山城回淑氣景物一番新兵氣淹三載花時到首春關河
殊絕域衣裘滿征塵詩就無人和椒香喚酒頻

上巳後一日招逢書農水部胡行偕中翰徐壽石
大令集飲淩波小築分韻得流字

蠻鄉禊夕也須修此聚人同海上鷗山樹當門搖畫影溪

魚應釣溯春流幾年邊塞渾如夢三月鶯花不解愁莫笑
水窗詩酒興天涯白髮已盈頭

三月十八日雨中招書農行偕壽石過淩波小築
分韻得目字

蠻氛釀層陰連雨泣如沐芄芄薺麥疇潺潺漲溪澳涯上
有茆廬臨川成小築軒窗樸且幽臺砌敞無蹙清渠遶門
前波影澹相逐初柳新綠垂枯苔故痕覆魚美少纖鱗肥美無鱗
出沒向漩湫依渚架釣磯垂綸不須麗值茲景物佳
何以吾賞獨折簡招友人一醉青山麓煮酒更烹魚享此
塞外福暢飲繼豪吟耳熱易春服隔潭插雲峯沾霖蘇草
木嘯傲共攄情遐觀縱我目

楸垞以龍溪新茶寄陸赤南獲詩言謝次韻荅之

龍井龍溪不異名煮茶誰共一支鐙品題無客慚羌塞封
寄高人向蜀城晚竈幾家明焙火春山十里響泉聲傳來
詩句清如許多感餘情問遠兵來詩云應許噴雲共洗兵

滇兵行

促浸金川自號地形若釜底四圍高巘森戟榮我兵分道爲周
陸其愁險峻猝難抵

帝曰宜加兵兵強無過旗軍營帥曰蒙加兵滇黔較近成
都城期嚴費減赴川捷用之得力蠻酋懼火槍在肩刀在
腰健步無勞修袴褶赴赴氣概袍澤同穿林入箐諳土風
帝許急徵發符傳關河曠渺行忿忿上山下山兼程走晨
興騰蹕直到西兩月長途一月來詣營真欲驚羣醜將軍
令黔兵指南遠超飛越之重嵐黔兵二千將軍阿墩調由成都赴南路軍營其

他滇率盡西顧由百而千數有三出桃關過楸坻時雨降
兵馬洗克敵致果退則恥滇兵滇兵爾氣何飛揚前趨羅
博瓦促浸地名殺賊如虎之齧羊會聞捷書奏聞闔收戈整旅
歌吹旋滇陽

徼外野薔薇花歌

綠陰過雨搖闌風薔薇花放沿溪紅高枝低枝簇團錦雲
霞朵朵浮晴空杏蘂過肥梅太瘦此花別樣誇玲瓏蠻鄉
亦多好姿致冉冉香氣霏相蒙飛來山鳥掠翠羽嚶聲無
賴棲芳叢偶然踏枝墜花片如逞妖冶娛衰翁故園開時
在初夏城南勸賞豐臺同提壺攜榼坐席地酌酒澆花懽
未終有情更過夷徼外節已小暑花纔融侵尋三載雅相
對何因歸去休兵戎

六月一日發楸坻之成都時將有果羅克之行羅

克在蜀之西北隅地近西寧之青海其廬落分上中下爲三國朝授以千戶百戶職領其族地少

五穀多禽獸俗以射獵爲生好劫掠卽戰國之羌奴爰劍種也甲午春劫青海蒙古部牛馬千百制

軍奏禮往案時禮駐楸坻督軍稽於六月還成都籌領兵士由松州出口云

六月餘寒雪漸消萬峯濕翠湧層霄人歸蠻徼吟猶壯馬別沙場嘶尚驕輓粟正憐民力苦橐弓更數戍城遙浮雲玉壘從東去笑指成都萬里橋

宿借山居有感

歸鞍天外至重宿此山莊花木層層暗亭臺歷歷荒有蟲吟落月無客對斜陽軍吏凌晨候念念萬慮忙

抵成都示妻子

憶我從軍行三年歲月疾在公本忘家伏臘每感別披風

還戴霜臥冰更餐雪艱辛歷沙場每與鬼出沒去官旋復
官是非烏可詰境固有險夷志不喪得失獨念兵潰時多
凶實少吉方期馬上死肯作草間活寧知人有命竟未化
異物崇德緣先祚兆福豈在佛去夏兵潰昔嶺內子未聞余信願以長齋續佛
夕歸晏如無益亦無缺妻孥真團圓顛末把酒述

喜晤吳冲之學使

異域幸生還桃關是玉關八年勞遠夢片刻展歡顏輓粟
我慚拙掄才君故嫺新詩都入格編校不須刪時學使梓入蜀詩

贈甘涼顧華陽觀察二首

時權蜀臬篆

幾度相思尺鯉通勞勞塞外逐飛蓬孤桐入耳怡情遠萬
事回頭感遇同劒氣消磨虛夜月吟聲激宕冷春風城南
祠宇憑君創杜老悲歌泣慰忠癸巳秋華陽創祠於草堂之右祀金川被難諸臣額

忠
曰慰

名高冀北復西秦入蜀聲華更絕倫風義每聞多不朽文章欲賞向無因許將法曲聯同調府時示所著清溪樂話到籌邊欲掃塵莫以書生輕我輩儘看談笑出經綸

與陸赤南閒話

一笑相傾意外歡成都誰料返征鞍雨窗看劒心猶壯雪塞從軍膽未寒閒伴茶鎗銷酒癖放高詩格總吟壇赤南時梓

劒囊草並
蜀遊詩鈔

江湖舊約羣鷗在氣味投時似臭蘭

慰忠祠弔西征殉難諸臣

有序

祠在浣花溪上工部草堂之西偏乾隆癸巳秋七月建祀戶部主事上海趙文哲刑部主事滿洲特音布無錫王日杏重慶府知府新建吳一嵩潼川府通判休寧汪時崇慶

州知州承德常紀漢州知州漢陽徐諗新繁縣知縣陽湖
徐瓚大竹縣知縣仁和程蔭桂鄧都縣知縣無錫楊夢槎
內江縣知縣嘉善許椿布政司照磨臨榆倪鵬西昌縣丞
仁和倪霖合州吏目宛平羅載堂秀山縣巡檢臨桂郭良
相營山縣典史光州吳鉞納溪縣典史東安許濟秀山縣
典史寧河周國衡候補鹽運同知靈石王如玉府同知舒
城鍾邦任直隸州知州會稽吳璜知州南昌彭元瑋知縣
宛平孫維龍渭南張世永原任越巂通判浦城吳景納谿
縣知縣貴筑章世珍

從來天道本好生殺機忽自金酋萌東蹂西躪及同類
皇用討罪旋加兵陣圖堂堂旗正正六師迅發銜
詔令荷戈帶甲十萬人烝徒箇箇稱雄勁蛾賊負固宛負

嶠破硯獻王辰冬獲小金終獻俘土司澤旺解京儼拉自號已平攻赤

展自號空卡昔嶺雪片羸氣障濕苦難耐三軍療病筋

力憊前敵勢怯後路寬夾霸言劫奪也猶如雲湧荒界癸

巳之夏六月初四山暗襲乘腹虛提帥陣亡將軍殞連營

兵潰焚穹廬在事羣公忽罹難後先雜還賁遐恨其中二

十六文臣義不受辱死不憚屍填溝壑燐火昏煩冤夜泣

千秋魂朝廷議恤受上賞廕及子息邀殊恩金匱顧

公時秉臬倡建一祠表臣節率錢度地誼懇誠設座設位

崇義烈浣花溪畔草堂邊春月年年啼血鵲雲紆廟貌真

嚴肅砌草風迴卷暮煙我來卻值公六月初十一夕兩日爲諸公殉

難之石火光陰一期隔兩淚盈襟慟失聲從頭細向遊人

白徘徊更擬買祀田蘋蘩歆享籌萬全要使靈祠妥毅魄

如山藏玉珠含淵

祠成無祀田且恐日久遂廢余捐嗟予

同事不同死今日衣冠還拜此隻雞斗酒薦長筵泉下有

靈呼欲起惜余未死不同堂諸公何樂我何傷生者無緣

死者活芳名百世畱餘香人生凶吉固有命所遭不幸轉

可慶紅顏盡節臣盡忠青史畱傳書礪行

偕華陽觀察過城南武侯祠別院觀荷

三年不入成都郭浣花溪頭夢寥寞今日重尋丞相祠映

階修竹時鳴籟炎天樹樹噪蟬聲門外水田陰漠漠道人

仙去去無歸別院苔深畱小鶴

謂道士徐虛廬

我偕吟侶覓清涼

路轉牆隈過短廊一室蕭閒同半舫繞欄水淥荷渠香紅

雲冉冉流池面相約還來翠蓋旁疎風襲體不知暑西窗

影亂明斜陽

六十初度

六十平頭興未頽短衣長劒逐征埃微名合共關山遠逝
景難追歲月回舊宅圖書繁別夢小園松菊待深杯他年
歸狎城南墅策杖攜孫笑背駘

不避艱辛不受憐一生薑桂性偏堅舟傾卻怪蓬旋轉屋
覆何期瓦尚全疊沛恩言真感激浪遊塵世任遷延團

團骨肉淒涼淚說著歡場倍黯然

余年五十六時父母兄弟俱下世

白頭白盡在邊塵戎馬三年繫此身筋力就衰家有累光
陰過隙夢無真人因閱世情彌澹官爲希名橐更貧今日
延齡一樽酒冰天雪窖記佳辰

二十七日發成都之松州作

全家寄錦里僦屋得重扉八口居頗安私幸少寒飢僕指

遊徼外三載未一歸歸來餘二旬雨汗無停揮所喜膝下
兒奉我不我違服官者勤事讀書者下幃我年開六秩責
重力已微固知老應退乞身乏其機茲晨更觸熱佩劔重
驂駢行行別妻子獨鳥又孤飛

冒雨出桃關

白髮臨風去駸駸又出關雨聲喧絕壑雲氣暗叢山戎馬
辭西塞征塵撫北蠻江流秋近急一路聽潺湲

保縣早秋寄華陽觀察

客裏涼生暑頓消多因風雨逼連朝四山列樹秋聲早一
縣環江水色遙入夢似聞吟別句瀕行時華陽有送別詩開樽猶覺
醉良宵茂州較近松州遠欲溯岷源寄大瓢

阻水保縣

裝成及新秋初涼陶退暑途長趨北程程遞可數孰意
屯雲濃層嶺互吞吐凍雨橫山澤陰翳失煙樹連朝蔽不
開濕氣晦村墅去去泥淖潭僕夫告勞苦昨發汶川城午
抵保縣許雨聲終夜喧身若居水府江濤響入天萬壑駭
奔弩起望抱遙歎橋梁失砥柱臨津患難濟通川絕行旅
客販盡泊停書劒我亦阻蕭條撫素琴寂寞誰與語南顧
桃花關東睇成都無悲歌懷高人離思縈肺腑一燈耿几
案悽切對犀塵

茂州道上

一雨阻三日今晨始放晴搖鞭涉水去巖壑動秋聲
兩岸煙嵐合鳴禽隔樹聞馬嘶追落日人曳一江雲
七月五日重抵松茂道解

空解無人百感生全家都住錦官城余罷職後遷眷口居成都今再任眷不復
功名得失尋常事父老翻增故舊情

曉發茂州

雨歇沙原淨層霞列繡屏江聲秋後壯山色曉來青路險
稀民舍邊荒數驛亭吟詩阻雲水勒馬傍沙行

宿黛店莫氏世瑞堂題贈

石堡緣山結臨軒花木鮮好秋當七月小別已三年竈近
聞香稻詩成拂素牋枕江涼入夢深識主人賢

過鴛鴦橋

亂猿啼處渺離魂不斷江流泐漲痕一夜鴛鴦橋畔雨灣
灣秋水下彭門

重登松州七層樓

撻衣重上七層樓倚檻迎風感白頭南戒關河違錦水北

征戎馬遲松州

時果羅克蕃衆懼官兵出關是以暫駐松州

愁經零雨崖邊草

吟斷疎鐘寺外秋望裏穿城城下水潺潺送響接天流

張慕青編修典試來蜀卻寄

京華分袂計多年指點星文映蜀天出塞欲窮青海馬采
風方敞錦城筵夕陽雲樹情滋感岐路萍蓬晤少緣秋雨
秋風共惆悵羌原回首憶張騫

八月四日發松州歷紅橋關作

曉出松州城秋風生微涼疎煙起郭外墮土爲室房西成

事已畢稞麥架連牆

松俗秋穫稞麥皆層挂於架

婦子偕嬉嬉樂處安

邊疆我行異問俗覩景愁輒忘興感太平時豈止歌小康

循江三十里江水鳴湯湯遙見紅橋渡山勢盤大荒此閒

號設險前代嚴關防雄兵駐橋側埃火紛相望吐蕃今歸
化馴服無披猖部部輸糧馬遊牧牛與羊環橋產藥草香
氣襲我裳吹笳度橋去山山明秋陽

五加皮行

有序

藥類有五加皮其葉或三出四出五出而五出者良其主
名究無知者案本草謂莖青節白花赤皮黃根黑上應五
車之精或因此五加名之也蜀中處處有之今紅橋關所
產者葉多五出羣以爲佳索之者衆松州之民患采取爲
累過此觸目因賦斯作

紅橋關產靈草葉五加香味好浸爲醪

本草以醪酒尤良

調濕燥

疆力益精希世寶青青生巖閒采采驅松蠻芟削其繁梗
洗剝其苔斑侵星去日夕還登崖防嶺如猿扳摘以重五

重七竝重九

千金方補云五月五日采莖七月七日采葉九月九日采根合爲末治五臟筋脈緩縱諸

症莖葉本根無不有擣成霏屑入刀圭痿者能起跛者走

藥爲蜀產詎謂奇索者非公饋必私縣給官價蠻民苦不

恨縣官轉恨醫我欲縱火歷山澤燒除此藥種大麥窮蠻

聞之歡呼稱善手加額

章蠟營

雲木參差野磴秋蕃民雜處樂優遊山川負蜀形多壯風

俗趨秦性未柔斜日孤城鳴鼓角荒煙絕塞冷田疇玻瓈

泉水潺湲響跋馬波閒亂碧流

玻瓈泉在章蠟城東南二里許

自章蠟營冒雨涉弓剛水循江至黃勝關

曉涉弓剛水

弓剛嶺水至章蠟營南注於江

南行復西折循流溯江源一

綫走清碧羣山脫危險峯勢少巒嶸谿徑窄而小陂陀互

凹凸林木短且稀茆屋民居絕辛勞歷荒途虺隤非所惜
濛濛灑微雨崖泉鳴咽邊境方蕭條旅人意悽切於時
屆中秋西風吹不輟淺岫雨頻飛遙嶺漸積雪邇者西征
軍破竹聞架入孫時聞西師有破金酋久負隅三載力應竭
我行又北指羣盜期斂跡馳驅敢自愛年華暗拋擲昨者
讀綸言至性生感激

君恩時繫念欲報愧涓滴

果羅克之役近奉

論旨查禮

羈絆著傳諭富勒渾文綬今卽將此事辦理情形若何皇
要犯有無就獲及查禮會否回至秋抵之處迅速奏聞

皇趨絕塞惟此肺肝血功名老邊關筋力衰逾迫行行雨
將霽雲散煙光滅林閒放晚晴草際蟲叫夕

兩水口

江源自北來我馬折西去循山迎水行馬亦如水怒潺潺

響急流亂石點沙渚望望無驛亭惟見巒間樹野菊花色
黃幽香向人吐山禽語瀏亮風葉乍飛舞緣崖黑羶廬犬
吠草深處炊煙一縷颺稞麥和茶煮景物異關內咫尺分
塞土秋風吹不乾涼雨泣宿莽

過動顛壩作歌

雲空天闊望無際萬嶺周環勢迢遞中匿凹塘地轉寬芊
綿草色綠如薺上有四圍之高山下有百道之幽泉涓涓
汨汨冒原野雨痕瀉潔成荒壩萬年積潦不能出潭淖淤
汚悶白日草根盤結塗泥閒歷久成途厚且密附草叢開
翠碧花鮮瑩麗豔連平沙密煙苦霧繞縷縷膨脝亂跳青
蝦蟆翹首前程平似掌草遠天低儼沃壤無居無室望無
窮浩蕩蒼雲任俯仰孰知舉蹠如蹈虛青鞋布襪侵沮洳

大隊經臨紛雜逕奚敢蹴蹋惟趑趄陷人陷牛還陷馬跋
涉艱難深沒踝終歲冬春尚可行第一危機秋與夏偏我
今從八月來瀟瀟風雨轟轟雷穴地澤沸穿洞竅踐踏墜
落遭千回屈指蜀遊多險境過嶺踰溝事微倖茲遊箇箇
雖安全思之反覺神魂冷嗚呼思之反覺神魂冷此身不
墮爭俄頃

宿哨口夢歸至榆堡醒後賦此

絕塞盤遊興正雄夜來歸思忽乘空三年戎馬人應倦萬
里鄉園信偶通榆柳一村環室綠松楸兩墓積沙豐多因
拜掃虛家祭旋託神魂到枕中

歷阿格甲凹三土百戶境

窮邊連二寨棲處隔平岡漲落溪流碧霜來草色黃荒原

無稼穡列帳散牛羊一種甘松美家家掘滿筐

陀漠雪後寄陸赤南

平野草連天孤營結近泉馬嘶羌笛外雁字暮雲邊雪後
寒光迴天涯別思牽尋詩寄錦里澹墨寫蠻牋

甘松香行

有序

甘松香葉如小蘭葉窄而短夏月抽細莖開碎白花獨根
根旁鬚繁密香氣濃濁本草載其性甘溫芳香理諸氣開
脾鬱治腸腹滿痛風疳齒齩腳膝濕氣用根煎湯淋洗有
神效產甘涼黔蜀中

格

阿四甲

二境閒土不產五穀無穀更無蔬蕃兒苦枵腹

雖牧牛與羊未可斷饘粥務謀麤糲資乃足爲養育兩蕃
巖阿中甘松香馥郁性怯風雨淫病夫受其福竝堪入香

料佛子寺寺

料甘松入香甚廣緣因消耗多遂有行市蓄

松州有收

甘松行市男婦羣攜鋤循山事匍匐歲歲忘辛劬朝朝逐林麓

壯者挑盈筐弱者采一掬積之廬落閒稞麥換斗斛吁嗟
天乎不絕此域蕃芸生香草開食源甘松甘松根日繁

十一日午後自二十四馬鞍山外易騎行四十里

薄暮宿阿摩拉卡水次

霽景澄寒客未還望中無數夕陽山平原縱馬人常健絕
域聞鴻淚欲潛萬里風霜垂白髮幾年兵甲促蒼顏營門
鼓角聲悲壯又駐邊秋水一灣

糧饋不至逗畱阿摩拉卡二日卽事有詠

連朝星檄阻程途小駐蒼煙野水區蠻女捕魚工織簞蕃
兒引犢慣吹蘆天連青海荒郊遠地入羌原古蹟無白髮

勞人詩不廢瀟瀟風雨夜燈孤

晡發阿摩拉卡五里渡阿摩河

一水自南來源發梭木界北走入甲凹西折出北塞阿摩河源

發梭木土司界內北流入甲凹土境復聞說春夏時波濤

漲澎湃值茲秋已中汎瀾曳羅帶澄清方見底砂礫淨可

愛兩岸密樹隨灘淺少石塊水多盈尺魚垂釣無須待惜

無小艇橫中流人竝載我馬逆溜過濺濺不上佩旣濟考

水經桑酈遺此派

循夾結河西南行渡河宿西岸水隈俗誤呼爲夾卓河

蜀徼西北水桑經多缺收前古罕人蹟以故遺其流鵲箇

寨南河遠自卓地浮夾結河源發卓克朵土境內東北流

境入黃河波流遶寨指北去東西夾山邱灣環如迴腸幾

長闊非小支也

曲浴沙洲

江之九迴目所稀見柳

水光入空闊波平大宜

舟中藏豐草澤蓄馬成羣遊

鵲箇向產名馬

鳬雁飛上下漚渚風

颼颼不意塞外境有此江南秋緣河策短騎俯仰消客愁

涉彼西岸宿煙雲橫沙頭斜陽半明滅理釣持魚鉤

晚食得魚

淼淼煙波亂野渠沙平灘淺少民居釣竿一抹斜陽影渡口人歸喚有魚

鵲箇羌馬行

鵲箇之野草澤肥山迴水遶鄰武威

唐志武德二年置涼州總管府天寶元年

改為武威郡督涼甘肅三州乾元元年復

中多曠藪產名

馬驕嘶結隊驂駢駢雄姿不受伏櫪苦昂頭掉尾健於虎

腕促蹄厚鶴喙長雄高顧盼卓立股竹披銳耳肉駿分龍

鬢鳳臆搖堅筋紫燄雙瞳閃飛電茫茫廣漠遊秋羣其間
純白白同雪蒼黑之毛色似鐵綠縹赭白兼乘黃殷紅駢
兔染猩血更有三花五花雜九花滿身散作雲與霞菊藥
朵朵連錢動青鱗片片拳毛騮千匹萬匹均殊絕或趨水
隈或山岳文采增輝耀旭光飲泉臥沙竟體潔麒麟遺種
獅子虬何異騶裏兼驊駟駢駟神駿矯形影橫空蹴踏風
颼颼翦拂終朝看不盡大畢小駘走牡牝我非九方能相
馬也道此材追鹿麕只今金曾兵尚攻戰場正須波斯驄
青絲絡腦銀鞍轡載驅西陲成大功嗚呼臨陣用爾霑赤
汗馳騁驚人擒逆叛功成惠養在目前一一覓工繪取我
馬之魁岸

十七夜宿達浸大風瓊廬盡委羣馬皆驚以詩記

之

塞山無林木野水無舟航廣漠天接地草色延大荒焱風
忽北至作力一何狂發聲若吼獅積勢如推牆毳廬柱頭
折片片雲飛颺炊竈灰亂起星火紅燄張馬牛盡驚踐土
卒羣奔蹌時已入昏暮莫辨東西方老夫獨危坐敬以荅
上蒼須臾風稍息慰藉言無妨老夫笑而語風雨固尋常
爾輩少定見臨事多倉皇

歷郎馱土百戶境

夜枕逼風雨雲薄開曉晴遠涉三道嶺仍指西南行旬日
少見樹邊岷無椽楹耳目何所寓草色與水聲行行歷此
土亂山堆秋坪寨寨架屋宇溝溝松杉青緣坡產稞麥遶
墅種蔓菁氣候勝他處霜雪尚未經豈意西徼西復覩田

金華集卷之十一
園坳風土各有異烏可一例評

投日照壩曼陀喇嘛寺宿

亂水流草際惠日照荒坡中湧青蓮宇靈境名曼陀香林
環四山門遶琉璣河慧雨歲時灑晴少陰恆多經樓開淨
潔高聳出煙蘿金軀妙莊嚴幡幢裊婀娜霏微銀沙界綵
縹幔錦拖長明燈耀普九劫超幾何方借棲止一榻蒲
團窩鐘魚奏晚課清梵起巖阿

書華陽觀察清溪樂府卷後

我愛晴沙一卷詞攜來徼外枕函隨百回不厭開樽讀廿
載翻嫌識面遲同調枯桐彈玉露相思紅豆寫烏絲梅溪
石帚前身是白社應推韻語師

打狐行

吾聞西北多狐狸黃者貴腋白貴頤集以爲裘綴英粲百

金一領人購奇蜀之蕃境產此族郎

郎壩

果

果羅

樹

四部山閒羣乳孳諸蕃射獵苦難獲先事設械合關機春

夏非時秋欠老直待朔風蕭蕭連曉吹雪片如掌鋪大野

冬狐毛色方無疵蕃兒攜弓納諸坑塹草澤內連繩作圈

下食狐鳥知一一誤入縲首遭繫維爾狐爾狐性善疑河

冰薄結猶欲側耳聽流澌何獨見食竟不意其非年年踵

死悔莫追人之忘身貪利亦如是打狐是鑒畱風詩

稞麥歎

有序

自松州歷章臘所轄之寒盼商巴祈命及口外之阿格甲
凹鵲箇郎馱上中下阿壩十土千百戶諸土境迢迢千餘
里戶口數萬其閒有產稞麥者有絕無者作詩記之

松章有稞麥格凹無稞麥鵲箇無稞麥郎壩有稞麥窮邊
千里遙未能一例覈天時固不同地氣亦迴隔六月尚隕
霜冬月聞霹靂晴少陰翳多雨雪昏朝夕羌蕃生此閒不
復歎土瘠有麥聊充飢無稞任乏食竭來目覩之教養實
我職急欲代之籌又少萬全策功難與天貪勢難與地敵
誰云中與外處處宜稼穡

寄逢書農水部胡行偕中翰徐匯川大令楸坻

佛樓歸夢倚秋回吟徧峯頭復水隈日對蕃僧談劫火夜
窺山鬼避香臺聞君返駕頻敲句待我淩波館名余在楸坻時築更
舉杯兩地無聊風雨候相思端爲葉聲催

九月一日得沈萊友司馬成都書卻寄

笙歌聲簇錦城繁杯菊囊萸又者番旛動僧樓頓生悟鐘

傳客夢了無痕懷人辛苦秋雲外得句從容老樹根片語
屬君須記取窗前墨瀋逼詩魂

時以素冊乞萊友書畫

曼陀寺僧樓秋日漫興

溪水當門漾碧澄釣魚童自石磯升霜華染葉山山老秋

氣侵衣日日增

蘆酒自傾蕃塞盞

蕃地釀以青稞味亦清冽

酥油長點

佛龕燈

寺僧長以酥酒點佛前琉璃燈

荒涼野寺生風雨高喝圓通總不

響

草色浮空沙塞邊暫親瓶鉢省前緣風旛休辨真三昧月
指何分第幾天薄宦聽殘黃葉夢老僧參透野狐禪連朝
笑問醍醐法始信西方有別傳

我讀南華一卷經蕃徒竊怪亦偷聽長期匣劒弢雄志偶
對鑪煙悟幻形詩愛無聲趨澹泊飯宜不飽避羶腥

後出口

食牛羊酥酪憑欄白髮鬢影喜見蒼旻鷗鶴翎

經樓坐臥思無慘梵放鐘魚又入宵月影故從秋枕射樹
聲偏向夜窗飄紛紜微夢三更冷荏苒鄉愁萬里遙莫效
春蠶絲自裹崢嶸礮壘已全消

秋日僧寺樓居雜詩

垂老從征遠僧窗日小眠禪門無剝啄溪岸每沿緣雪勢
白銜嶺草痕黃入天西南多殺氣營壘望中連

宜喜山谷夾嶺戎布

寨三路軍營日來均有捷音

霜色鋪茆屋寒光上敝裘吟詩渾忘倦覩景不知愁雲氣
橫千嶂秋聲貯一樓回頭關塞迴蹤跡遠松州

崖倚招提境長居禿髮翁關山明落月鼓角動逾風水逼
黃河近雲迴青海通亂峯叢微外何處訪空桐

南部新書崕桐山在

松州屬隴州西北
界卽古之空桐也

松茂道上

孟冬日苦短荒途行覺長江源徑險惡顧步聞滄浪陽崖
無凍色陰谷初寒涼曳杖歷巖壑臨風振衣裳徼外樹盡
禿雪片如灰揚關內草尚青木葉懸半黃山複疑路塞水
聲喧其旁哀猿叫對嶺晴嵐迴平岡煙霞澹暝色林薄斂
夕陽僕御憚于役老夫懷故鄉故鄉遠萬里雲樹空微茫
昨爲代馬嘶今爲南雁翔

十月十三日抵成都寓館對酒

去此百餘日自北兼自西荒鄙連萬嶺峻若登雲梯山水
聚僻遠久畱成遜棲秋氣凋萬物風雪吹哀淒言歸錦官
城庭石饒蒼綽蕉竹含舊青菊英黃未落好鳥鳴樹閒喧

官慰樽酌流目興轉幽亮懷跡斯託攘攘歷戎馬相對慷
慨生歎歌本不廢矧乃館榭清月色照空廊溶溶澹寒明
今夕稍晏息撫劒酒頻傾一觴復一觴悠然陶逸情暮年
動哀樂利名奚足營

銅鼓書堂遺藁卷十八終

男淳孫

樞校刊